

## ■ PROVINCE DI UDIN

**Prin ripart pal 2015 di contribût**

Al è di 20mil e 300 euro il Aprin ripart di contribûts pal 2015 che la Provincie di Udin e da a sogjets publics e privâts par ativitâts di promoziun de lenghe furlane.

La assegnazion, la prime di dôs pal an 2015 e poiade cun fonts propriis di belanç, e je stade decidude de zonte di Palaç Belgrât su propueste dal president **Pietro Fontanini**.

“Cun cheste cifre, ancje se ridusude in confront ai agns prime, - al spiegher Fontanini - la Provincie e inten continuâ a dâ un sostegn reâl a chês ativitâts davueltis in lenghe furlane o dedicadis ae promoziun de marilenghe, de storie e de culture furlane e des identitâts storichis”. Il contribût plui impuartant (5mîl euro) al è stât dât al “Istitût Ladin Furlan Pre Checo Placeran” pal sostegn te organizazion de Fieste dal Friûl 2015; 2.500 euro invezit ae associazion culturâl “Colonos” pe realizazion di un spettacul dedicât ae produzion poetiche par furlan. Un contribût ancje pal tercet I Cjastrons pe realizazion di “Friûl Revolution-Scufiot Tv”.

**SCOLTADIS DI DRIUS****Miedi e midisinis**

El miedi, a voltis, a l'è plui pericolôs des malatiis. E les midisinis, a voltis, son plui pericolosis dal miedi.



# No sentâsi sui risultâts



In prin plan, Linda Picco intant de presentazion de ricercje

Il coment di **Linda Picco**, impegnade di agns a studiâ il rapuart tra lenghe e societât, sui risultâts de ricercje sociolinguistiche fate de Arlef.

» DI CHRISTAIN ROMANINI

Un ciert otimisim al à compagnât i risultâts de ricercje sociolinguistiche che la Agenzie regionâl pe lenghe furlane in colaborazion cu la Universitât di Udin (sul sît [www.arlef.it](http://www.arlef.it) te sezion “Progjets-Iniziativis”).

Par cirî di capî cemût che si à di lein chescj dâts o vin contatât Linda Picco, za ricercjadore dal Cirf e impegnade di agns a studiâ il rapuart tra lenghe e societât.

**Ogni trops agns si varessino di fâ chescj studis?**

“Lis influencis de societât sui compuartaments linguistichis a son avonde articoladis e a sbur-

tin a mudaments avonde svelts. Pensin ancje dome ai cambiaments che a vegnin dal slargjâsi di cierts struments di comunicazion come i social networks. Par chest, o stimi che 10 agns a podressin rapresentâ pardabon un limit massim in chest sens”.

**Cemût isal stât individuât il campion?**

“Il campion doprât al è chel a doi stadis, vâl a dî che prin si estrain i comuns dulâ fâ lis intervistis e po dopo i nominatîfs dai intervistâts. La ricercje e à cjapât dentri plui di un miâr di personis dividudis intun ciert numar di comuns di dutis trê lis provinci-

is furlanis. Ma une part di cheste indagjin e je stade ripetude propit tai stes 32 Comuns ogjet di investigazion tal 1977 e tal 1998, di mût di otignî risultâts comparabilis intal timp. In cheste maniere al è stât pussibil rilevâ un quadri diacronic des modificazions e des dinamicis de lenghe furlane intal arc di cuasi 40 agns”.

**La diminuzion dai fevelants e reste: dal mancûl 1% al mancûl 0,64%.**

“No son tims di ridi par nissune lenghe minorizade, e nissun pensave sigûr di cjatâ un increment tal numar dai locutôrs. Ma salacor no si spietavisi nancje cheste frenade, e duncje chest câl al risulter mancûl grâf di chel che a stimavin lis proieziun des ricercjis precedentis. Dut câs, il numar di locutôrs bessol al dîs pôc: a van considerâs ancje aspiets tant impuartants come la percezion dal status de lenghe. E ca, massime tra i zovins, i dâts a son sigûr in positif”.

**Dut a puest pal avignî?**

“No, tal mût plui assolût. Toccje bati cun fuarce su azions di politiche linguistiche adatis, no pensâ di sentâsi sui risultâts che dome in part a puedin dâ sodisfazion. Lis ricercjis a puedin dome descrivi une situazion, ma al è compit de politiche di tutelâ chel di insisti a prontâ e meti in vore i mieçs juscj par frontâ il compit, par esempli, cun progjets di grande cualitât come il Gdbtf o iniziativis orientadis ai zovins”.



ilfriuli@ilfriuli.it



SMS: 393 00 90700  
 diretta@radiofantasy.it  
 TEL. +39 0431 30022

## la radio tra la gente

[www.radiofantasy.it](http://www.radiofantasy.it)

UDINE | VENETO ORIENTALE FM 90.700  
 PORDENONE FM 95.800

GORIZIA FM 89.100  
 TRIESTE FM 89.100

PAULARO FM 107.700  
 TOLMEZZO FM 101.600